

Utenda
Kazi Wa
Huduma
Ya
Kikristo

Nathaniel M. Van Cleave



“Utenda Kazi Wa Huduma Ya Kikristo”

Nathaniel M. Van Cleave

Ili kuwa mchungaji mwenye ufanisi, mtu anahitaji mambo yafuatayo:

1. Wito wa Bwana katika Huduma ya Kikristo.

1 Timotheo 1:12 Nami namshukuru Kristo Yesu Bwana wetu, aliyenitia nguvu kwa sababu aliniona kuwa mwaminifu, akaniweka katika utumishi wake.

2. Uwezo wa Kufundisha Neno la Mungu.

1 Timotheo 3:2 Basi imempasa askofu awe mtu asiyelaumika, mume wa mke mmoja, mwenye kiasi na busara, mtu wa utaratibu, mkaribishaji, ajuaye kufundisha;

3. Mizigo wa Sikitiko kwa Wale Waliopotea

1 Wakorintho 9:22 Kwa wanyonge nalikuwa mnyonge, ili niwapate wanyonge. Nimekuwa hali zote kwa watu wote, ili kwa njia zote nipate kuwaokoa watu.

1 Wakorintho 9:16 Maana, ijapokuwa naihubiri Injili, sina la kujisifia; maana nimewekewa sharti; tena ole wangu nisipoihubiri Injili!

4. Upendo wa Dhati na wa Maana Sana kwa Ndugu Zetu Katika Familia ya Mungu.

1 Yohana 3:14 Sisi tunajua ya kuwa tumepita toka mautini kuingia uzimani, kwa maana twawapenda ndugu. Yeye asiyependa, akaa katika mauti.

Yohana 13:35 Hivyo watu wote watatambua ya kuwa ninyi mmekuwa wanafunzi wangu, mkiwa na upendo ninyi kwa ninyi.

Ikiwa mtu ana maadili na uzoefu uliotajwa hapo juu, mtu kama huyo ni mhusika wa huduma hiyo, lakini ili kufanya kazi kama mchungaji wa mkusanyiko wa waumini lililoanzishwa mtu anapaswa kujifunza vyema jinis ya kusimamia shughuli za kanisa na kupata uwezo ambao unahitajika kwa mchungaji. Katika Waefeso 4:11-12, Mtume Paulo anaeleza kazi ya jumla ya mchungaji:

Waefeso 4:11-12 Naye alitoa wengine kuwa mitume, na wengine kuwa manabii; na wengine kuwa wainjilisti na wengine kuwa wachungaji na waalimu; kwa kusudi la kuwakamilisha watakatifu, hata kazi ya huduma itendeke, hata mwili wa Kristo ujengwe.

Ikiwa jukumu la mchungaji ni kuwapa washiriki wa kusanyiko

kuwawezesha kutekeleza huduma fulani, basi tayari mchungaji huyo atakuwa amepata uwezo mzuri wa huduma. Ni kusudi la somo hili kutoa mafundisho kuhusu uwezo huu, michakato na mitazamo. Wachungaji hufundisha kupitia njia ya mawasiliano ya ukweli wa Biblia; walakini, hufundisha pia kwa mfano wao na mitazamo yao. Wachungaji pia lazima waendele kukuza uwezo wao wa kiakili, kiadili na kiroho ambao husababisha tabia ya kukomaa. Akiwaandikia Wathesalonike, Mtume Paulo alisema:

1 Wathesalonike 1:5-7 ...ya kwamba injili yetu haikuwafikia katika maneno tu, bali na katika nguvu, na katika Roho Mtakatifu, na uthibitifu mwingi; kama vile mnavyojua jinsi zilivyokuwa tabia zetu kwenu, kwa ajili yenu. Nanyi mkawa wafuasi wetu na wa Bwana, mkiisha kulipokea neno katika dhiki nyingi, pamoja na furaha ya Roho Mtakatifu. Hata mkawa kielelezo kwa watu wote waaminio katika Makedonia, na katika Akaya.

(1) Uhusiano wa Mchungaji na Familia na Majirani

1 Timotheo 3:1-7 Ni neno la kuaminiwa; mtu akitaka kazi ya askofu, atamani kazi njema. Basi imempasa askofu awe mtu asiyelaumika, mume wa mke mmoja, mwenye kiasi na busara, mtu wa utaratibu, mkaribishaji, ajuaye kufundisha; si mtu wa kuzoelea ulevi, si mpiga watu; bali awe mpole; si mtu wa kujadiliana, wala asiwe mwenye kupenda fedha; mwenye kuisimamia nyumba yake vema, ajuaye kutiisha watoto katika ustahivu; (yaani, mtu asiyejua kuisimamia nyumba yake mwenyewe, atalitunzaje Kanisa la Mungu?) Wala asiwe mtu aliyongoka karibu, asije akajivuna akaanguka katika hukumu ya Ibilisi. Tena imempasa kushuhudiwa mema na watu walio nje; ili asianguke katika lawama na mtego wa Ibilisi.

Itakuwa ngumu kuongeza chochote kwa kile Mtume ametoa katika ushauri wake kwa Timotheo kuhusu familia ya mchungaji. Katika nyakati za Agano Jipya huduma nyingi za Kikristo zilifanyika katika nyumba za waumini waliojitoa.

Warumi 16:3 Nisalimieni Priska na Akila, watenda kazi pamoja nami katika Kristo Yesu; **16:5** Nisalimieni Epaineto, mpenzi wangu, aliye malimbuko ya Asia kwa Kristo.

Kifungu cha Maandiko katika Matendo ya Mitume 21 inaonyesha mambo kadhaa muhimu kuhusu kanisa la Agano Jipya na familia ya Agano Jipya:

Matendo ya Mitume 21:4-6 Tukiisha kuwaona wanafunzi tukakaa huko siku saba, nao wakamwambia Paulo kwa uweza wa Roho asipande kwenda Yerusalemu. Hata tulipotimiza siku zile tukaondoka tukaenda zetu, na watu wote, pamoja na wake zao na watoto wao, wakatusindikiza mpake nje ya mji, tukapiga magoti pwani tukaomba; na baada ya kuagana tukapanda merikebuni, nao wakarudi kwao.

Paulo alipofika Tiro alikuta wanafunzi wa Kikristo wakiabudu katika

nyumba ya mmoja wa waumini.

mkusanyiko wa waumini iliundwa na familia zilizokuwa kamili. Mtume alipoendelea na safari yake, familia zote pamoja na watoto wao walimsindikiza Paul kwenda kwenye pwani ya Tiro na wote wakiwemo watoto walipiga magoti kwenye pwani kumwomba Paulo kwamba Mungu angempa njia salama kwenda Kaisaria na mwishowe kwenda Yerusalemu. Ili kukuza familia na watoto wao ambao walikuwa wamejitoa kabisa, ilikuwa muhimu kwamba familia ya mchungaji nayo iwe imejitoa vile vile. Ikiwa kuna ugomvi na ukosefu wa kujitua katika nyumba ya mchungaji, mapema au badaye mfano huo mbaya utaenea katika mkusanyiko mzima wa waumini. Ikiwa mchungaji hawezi kushawishi familia yake mwenyewe, atakuwa na ushawishi duni kuliko bora katika maisha ya mkusanyiko wa waumini. Viungo vinavyohitajika katika ushawishi wa nyumbani ni kusoma Maandiko, sala, upendo na ushirika; kwa hivyo mchungaji lazima asiruhusu mwenyewe kuwa na shughuli nyingi kiasi kwamba hawezi kuifanyia haki familia yake.

Wafeso 5:22-25 Enyi wake, watiini waume zenu kama kumtii

Bwana wetu. Kwa maana mume ni kichwa cha mkewe, kama Kristo naye ni kichwa cha Kanisa; naye ni mwokozi wa mwili. Lakini kama vile Kanisa limtiivyo Kristo vivyo hivyo wake nao wawatii waume zao katika kila jambo. Enyi waume, wapendeni wake zenu, kama Kristo naye alivyolipenda Kanisa, akajitua kwa ajili yake;

Wafeso 6:1-4 Enyi watoto, watiini wazazi wenu katika Bwana,

maana hii ndiyo haki. Waheshimu baba yako na mama yako; amri hii ndiyo amri ya kwanza yenye ahadi, Upate heri, ukae siku nyingi katika dunia. Nanyi, akina baba, msiwachokeze watoto wenu; bali waleeni katika adabu na maonyo ya Bwana.

Kwa kweli ni muhimu mchungaji kudumisha katika nyumba yake mazingira ya upendo na nidhamu ya Kikristo, ni muhimu pia kwamba mchungaji kukuza uhusiano wa kindugu na majirani. Majirani wanaweza kuwa marafiki bora wa kanisa au maadui wake washupavu. Kwa kuwa tuna shauku kwa nafsi za watu, wacha tuanze na kuvuta majirani wasiookoka kwa Bwana. Ikiwa majirani hawawezi kuvutwa kwa Bwana, angalau, acha watendewe kwa urafiki wa Kikristo na mkono wa kusaidia hadi watakubali hili tunalowapa. Mara nyingi urafiki wa jirani na usaidizi huleta ushawishi mkubwa kuliko hoja za maneno. Ushuhuda wa maneno ni muhimu, lakini ufanisi zaidi ikiwa umetanguliwa na urafiki na roho ya kujali.

Mtume Petro anatoa maagizo kuhusu uhusiano wetu na majirani wasioamini:

1 Petro 2:11-12 Wapenzi, nawasihi kama wapitaji na wasafiri,

ziepukeni tamaa za mwili zipiganazo na roho. Mwe na mwenendo mzuri kati ya Mataifa, ili, iwapo huwasingizia kuwa watenda mabaya, wayatazamapo matendo yenu mazuri, wamtukuze Mungu siku ya kujiliwa.

(2) Uhusiano wa Mchungaji na Washirika

Mitume Paulo na Peter wanaungana katika kufunua uhusiano gani unaofaa kati ya mchungaji na mkusanyiko wa waumini ambao Roho Mtakatifu ameweka katika utunzaji wake:

Matendo ya Mitume 20:28 Jitunzeni nafsi zenu, na lile kundi lote nalo, ambalo Roho Mtakatifu amewaweka ninyi kuwa waangalizi ndani yake, mpate kulilisha kanisa lake Mungu, alilolinunua kwa damu yake mwenyewe.

1 Petro 5:1-4 Nawasahi wazee walio kwenu, mimi niliye mzee, mwenzi wao, na shahidi wa mateso ya Kristo, na mshirika wa utukufu utakaofunuliwa baadaye; lichungeni kundi la Mungu lililo kwenu, na kulisimamia, si kwa kulazimishwa, bali kwa hiari kama Mungu atakavyo; si kwa kutaka fedha ya aibu, bali kwa moyo. Wala si kama wajifanyao mabwana juu ya mitaa yao, bali kwa kujifanya vielelezo kwa lile kundi. Na Mchungaji mkuu atakapodhihirishwa, mtaipokea taji ya utukufu, ile isiyokauka.

Peter hakuweza kusahau maonyo ambayo alipokea kutoka kwa Bwana, ambayo yameandikwa katika sura ya 21 ya Injili ya Yohana:

Yohana 21:15-17 Basi walipokwisha kula, Yesu akamwambia Simoni Petro, Je! Simoni wa Yohana, wewe wanipenda kuliko hawa? Akamwambia, Naam ,Bwana, wewe wajua kuwa nakupenda. Akamwambia, Lisha wana-kondoo wangu. Akamwambia tena mara ya pili, Simoni wa Yohana, wanipenda? Akamwambia, Ndiyo, Bwana, wewe wajua kuwa nakupenda. Akamwambia, Chunga kondoo zangu. Akamwambia mara ya tatu, Simoni wa Yohana, wanipenda? Petro alihuzunika kwa vile alivyomwambia mara ya tatu, Wanipenda? Akamwambia, Bwana, wewe wajua yote; wewe umetambua ya kuwa nakupenda. Yesu akamwambia, Lisha kondoo zangu.

Cheo "mchungaji" au "mchunga kondoo" linaonyesha wazi ukweli kwamba jukumu kuu la kiongozi wa mkusanyiko wa waumini ni ile ya "kulisha" au kutosheleza njaa ya kiroho ya watu. Mungu ametoa mkate wa uzima ambao unakidhi hiyo njaa, ambayo ni: "Neno la Mungu." Ushauri wa mwisho kabisa ambao Mtume alimpa mtoto wake wa kiroho, Timotheo, ulikuwa:

2 Timotheo 4:1-3 Nakuagiza mbele za Mungu, na mbele za Kristo Yesu, atakayewahukumu walio hai na waliokufa; kwa kufunuliwa kwake na kwa ufalme wake; lihubiri neno, uwe tayari, wakati ukufaa na wakati usiokufaa, karipia, kemea, na kuonya kwa uvumilivu wote na mafundisho. Maana utakuja wakati watakapoyakataa mafundisho yenye uzima; ila kwa kuzifuata nia zao wenyewe watajipatia waalimu makundi makundi, kwa kuwa wana masikio ya utafiti;

Jukumu la pili la mchungaji ni lile la kutunza kundi. Ni muhimu kwa

mchungaji, kwa kadri iwezekanavyo, kujua kibinafsi washiriki wote wa kutaniko. Hawezi kuhudumia vizuri mahitaji ya kiroho ya watu isipokuwa watu wanamjua mchungaji wao kutosha kujulisha shida zao za karibu. Mchungaji hawezi kuwajua watu kwa kuwaona wameketi kanisani; inasaidia sana kuwatembelea katika nyumba zao na mahali pa biashara. Mchungaji anahitaji kuwa pamoja na washiriki katika nyakati za shida za ugonjwa, kufiwa, na hali zenye kulemea. Kila mchungaji aliyefanikiwa ataweka kalenda au kitabu cha tarehe ambacho ni pamoja na vipindi vya ziara.

Maandiko Matakatifu yanafumbua umuhimu wa ziara ya kichungaji.

Yakobo 1:27 Dini iliyo safi, isiyo na taka mbele za Mungu Baba ni hii, Kwenda kuwatazama yatima na wajane katika dhiki yao, na kujilinda na dunia pasipo mawaa.

Mathayo 25:36-43 nalikuwa uchi, mkanivika nalikuwa mgonjwa, mkaja kunitazama; nalikuwa kifungoni, mkanijia. Ndipo wenye haki watakapomjibu, wakisema, Bwana, ni lini tulipokuona una njaa, tukakulisha, au una kiu tukakunywesha? Tena ni lini tulipokuona u mgeni, tukakukaribisha, au u uchi, tukakuvika? Ni lini tena tulipokuona u mgonjwa, au kifungoni, tukakujia? Na Mfalme atajibu, akiwaambia, Amin, nawaambia, kadiri mlivyomtendea mmojawapo wa hao ndugu zangu walio wadogo, mlinitendea mimi. Kisha atawaambia na wale walioko mkono wake wa kushoto, Ondokeni kwangu, mliolaaniwa, mwende katika moto wa milele, aliowekewa tayari Ibilisi na malaika zake; kwa maana nalikuwa na njaa, msinipe chakula; nalikuwa na kiu, msininyweshe; nalikuwa mgeni, msinikaribishe; nalikuwa uchi, msinivike; nalikuwa mgonjwa, na kifungoni, msije kunitazama.

Matendo ya Mitume 15:36 Baada ya siku kadha wa kadha Paulo akamwambia Barnaba, Haya! Mrejee sasa tukawaangalie hao ndugu katika kila mji tulipolihubiri neno la Bwana, wa hali gani.

Katika makanisa makubwa mchungaji anahitaji kufundisha mashemasi wa kiume na wa kike, kutembelea kinfumo wagonjwa na waliokata tamaa. Walakini, kutembelea na mashemasi kamwe hakuondoi ziara ya kichungaji. Mchungaji mwandamizi anapaswa kujitolea siku moja au mbili kwa ziara. Ni mazoezi mazuri ya kuhifadhi jioni moja kutembelea waongofu wanya na wanachama wanya. Ziara zote za kichungaji zinapaswa kumaliza kwa sala na mara nyingi na usomaji wa sehemu inayofaa ya Maandiko, hasa kwa ziara za wale walioko hospitalini.

Nabii Ezekieli alikuwa na kitu cha kusema kuhusu wachungaji ambao walipuuza kundi lao.

Ezekieli 34:6 Kondoo zangu walitanga-tanga katika milima yote, na juu ya kila kilima kirefu; naam, kondoo zangu walitawanyika juu ya uso wote wa dunia; wala hapakuwa na mtu aliyewaulizia, wala kuwatafuta.

Huduma nyingine ya mchungaji ni ile ya ushauri nasaha. Jamii ya leo ni ngumu sana; ni hakika kwamba kutakuwa na washiriki katika makanisa yetu wanaohitaji mwongozo wa maadili na wa kiroho. Mchungaji anapaswa kuwa tayari kutoa ushauri kama huo. Walakini, iwe wazi kuwa mhudumu wa Injili sio lazima achukue kuwa daktari wa akili. Mchungaji anaweza kupata ufahamu wa maumbile ya mwanadamu na shida zake zote kwa kusoma kwa uangalifu Maandiko Matakatifu; Biblia inashughulikia kila udhaifu wa kibinadamu. Kanisa linapaswa kutoa mwongozo, kwa sababu Biblia inapendekeza: "Heri mtu ambaye hatembe katika mashauri ya wasio wacha Mungu." Zaidi ya hayo, mchungaji hupewa mwongozo wa Roho Mtakatifu. Mchungaji atahitaji msaada na shida ngumu zaidi, lakini kuna vitabu kadhaa vizuri vya ushauri nasaha vilivyoandikwa kutoka kwa maoni ya kiinjili. Mshauri wa kichungaji anahitaji kuepusha jaribu la kufanya maamuzi kwa mtu anayetaka ushauri. Mchungaji hutoa kanuni za kibiblia akiachilia kwa mtafuta kufikia uamuzi baada ya sala. Katika siku zetu, kufanya maamuzi kwa watu huacha wazi kwa madai au kesi ya kisheria. Mhudumu anayehubiri na kufundisha Neno la Mungu kwa utaratibu hutoa ushauri kutoka kwa mimbari ambayo inapaswa kutosha kwa sehemu kubwa ya shida za watu.

Labda, huduma muhimu zaidi, baada ya ile ya kuhubiri, ni mafunzo ya kimfumo ya Maandiko. Mtume Paulo anayo yafuatayo ya kusema kuhusu mafundisho ya kichungaji:

1 Timotheo 3:1-3 Ni neno la kuaminiwa; mtu akitaka kazi ya askofu, atamani kazi njema. Basi imempasa askofu awe mtu asiyelaumika, mume wa mke mmoja, mwenye kiasi na busara, mtu wa utaratibu, mkaribishaji, ajuaye kufundisha; si mtu wa kuzoelea ulevi, si mpiga watu; bali awe mpole; si mtu wa kujadiliana, wala asiwe mwenye kupenda fedha;

2 Timotheo 4:1-5 Nakuagiza mbele za Mungu, na mbele za Kristo Yesu, atakayewahukumu walio hai na waliokufa; kwa kufunuliwa kwake na kwa ufalme wake; lihubiri neno, uwe tayari, wakati ukufaa na wakati usiokufaa, karipia, kemea, na kuonya kwa uvumilivu wote na mafundisho. Maana utakuja wakati watakapoyakataa mafundisho yenye uzima; ila kwa kuzifuata nia zao wenyewe watajipatia waalimu makundi makundi, kwa kuwa wana masikio ya utafiti; nao watajipusha wasisikie yaliyo kweli, na kuzigeukia hadithi za uongo. Bali wewe, uwe na kiasi katika mambo yote, vumilia mabaya, fanya kazi ya mhubiri wa Injili, timiliza huduma yako.

1 Timotheo 5:17 Wazee watawalao vema na wahesabiwe kustahili heshima maradufu; hasa wao wajitaabishao kwa kuhutubu na kufundisha.

Kulingana na Waefeso 4:11-12, ambapo Paulo anataja zawadi za huduma zilizotolewa na Kristo kwa kanisa, anatangaza kwamba kufundisha ni huduma kuu ya mchungaji. Kwa huduma ya ufundishaji mchungaji huandaa watakatifu kuhudumia ujenzi kwa mwili wa Kristo. Mchungaji ambaye hatoi mafundisho

ya utaratibu ya Neno atakuwa na mkusanyiko wa watoto wachanga wa kiroho, kulingana na mwandishi wa Waebrania.

Waebrania 5:12-13 Kwa maana, iwapasapo kuwa waalimu, (maana wakati mwingi umepita), mnahitaji kufundishwa na mtu mafundisho ya kwanza ya maneno ya Mungu; nanyi mmekuwa mnahitaji maziwa wala si chakula kigumu. Kwa maana kila mtu atumiaye maziwa hajui sana neno la haki, kwa kuwa ni mtoto mchanga.

Kuna wachungaji ambao hufikiria kuwa huduma ni nzuri tu wakati inamalizia kwa kelele na mawimbi ya mhemko. Hakuna mtu atakayekataa kwamba sisi sote tunahitaji baraka kutoka kwa Bwana, na sisi sote tunasaidiwa na shangwe ya Bwana inayoonyeshwa kwenye ibada hiyo, lakini baraka za kudumu zaidi zinatokea wakati furaha yetu inatoka katika ukweli wa Biblia uliyofanywa kuwa halisi kwetu sisi kupitia mafundisho na mahubiri yaliyopakwa na mafuta ya Roho Mtakatifu. Mhemko sio mwisho wenyewe, lakini matokeo ya ukweli wa kimungu ambao hutokana na kuimba, kushuhudia na kujifunza kwa nguvu ya Roho. Baraka ya kweli sio ile ambayo hudumu tu wakati wa huduma, lakini ile ambayo pia hudumu kwa wiki nzima wakati wa majaribu na shida zake. Mchungaji mzuri na mwenye hekima ni yule ambaye ameunda tabia ya kusoma kinfumo mada kuu za Maandiko Matakatifu kwa kusudi la kushiriki ukweli huo na kundi lake. Mchungaji kama huyo hapuuzii kususitiza ukweli wa msingi wa ukombozi na ahadi ambazo zinatuhakikishia uzima wa milele.

Shughuli muhimu sana ya kanisa ambalo mchungaji anapaswa kuwa kiongozi wa kiroho ni ile ya sala. Nguvu za kanisa linalosali zinapita kiasi cha kupimwa. Kitabu cha Matendo kimejawa na ushindi wa makanisa yanayosali; mfano mzuri wa hili unaonekana hasa katika vifungu viwili:

Matendo ya Mitume 4:29-31 Basi sasa, Bwana, yaangalie matisho yao; ukawajalie watumwa wako kunena neno lako kwa ujasiri wote, ukinyosha mkono wako kuponya; ishara na maajabu vifanyike kwa jina la Mtumishi wako mtakatifu Yesu. Hata walipokwisha kumwomba Mungu, mahali pale walipokusanyika pakatikiswa, wote wakajaa Roho Mtakatifu, wakanena neno la Mungu kwa ujasiri.

Jitihada zote za viongozi wa Yerusalemu za kuzuia kuhubiri injili lilikuwa la bure dhidi ya kanisa linalosali. Walikuwa katikati ya vita vya kiroho kama sisi tulivyo katika nyakati hizi za mwisho. Maombi yalishinda kila juhudi za adui za kuharibu maendeleo ya kitume. Makanisa yanayosali yatashinda nguvu zote za giza. Mfano mwingine wa nguvu ya kanisa linalosali linapatikana katika Matendo.

Matendo ya Mitume 12:3-5 Na akiona ya kuwa imewapendeza Wayahudi akaendelea akamshika na Petro. Siku hizo zilikuwa siku za mikate isiyochachwa. Alipokwisha kumkamata, akamweka gerezani akamtia mikononi mwa vikosi vinne vya askari wanne wanne, wamlinde, akitaka

baada ya Pasaka kumtoa na kumweka mbele ya watu. Basi Petro akalindwa gerezani, nalo kanisa likamwomba Mungu kwa juhudi kwa ajili yake.

Kwamba Peter alinusurika/aliishi ni ujuzi wa kawaida. Nguvu za maombi uwe ufahamu wa kawaida kwa wote leo, kwa sababu sala inayofaa haikuwahi kuhitajika zaidi kuliko sasa.

(3) Uhusiano wa Mchungaji na Wasaidizi Wake na Wafanyakazi Wengine

Viongozi waliotajwa ni pamoja na mchungaji msaidizi (katika makanisa makubwa kuna mara nyingi zaidi ya mchungaji msaidizi mmoja), washiriki wa baraza la kanisa, mashemasi, wazee, msimamizi wa shule la Jumapili, mpokeaji mkuu, kiongozi wa vijana na wafanyakazi wengine wanaojitolea.

Baadhi ya makanisa mapya yaliyoratibiwa yanaweza yasiwe na viongozi na wafanyakazi waliotajwa hapo juu; Walakini, wakati kanisa linakua vya kutosha kuwa na idara mbalimbali, mchungaji ana jukumu la kutoa mafunzo kwa wafanyakazi na viongozi kwa vikundi.

Kazi ya kanisa inafanikiwa zaidi wakati viongozi na wafanyakazi wote wanapounda timu na kufanya kazi pamoja kama timu, ushirika:

Matendo ya Mitume 2:42 Wakawa wakidumu katika fundisho la mitume, na katika ushirika, na katika kuumega mkate, na katika kusali.

Wafilipi 1:27 Lakini mwenendo wenu na uwe kama inavyoipasa Injili ya Kristo, ili, nikija na kuwaona ninyi, au nisipokuwapo, niyasikie mambo yenu, kama mnasimama imara katika roho moja, kwa moyo mmoja mkiishindania imani ya Injili;

Ni muhimu mchungaji kudumisha uhusiano mzuri na wafanyakazi wake na viongozi wote. Mfarakano kati ya viongozi wa kanisa unaweza kusababisha mgawanyiko katika mkusanyiko. Wakati Wakristo wanapopigana, ibilisi hachukui pande moja, yeye hutoa zana za vita kwa pande zote mbili.

Kila msaidizi, mfanyakazi na kiongozi, anapoulizwa, anapaswa kupewa maelezo ya kazi ambayo yanaelezea waziwazi vitendo vipasavyo na majukumu ya huyo mfanyakazi. Ikiwa mfanyakazi au kiongozi hafanyi kazi ya kuridhisha, mchungaji, ambaye ni kiongozi mkuu wa kanisa, angeshauriana na mfanyakazi baada ya kusali, kwa roho ya upendo na msaada.

Wagalatia 6:1-2 Ndugu zangu, mtu akighafilika katika kosa lo lote, ninyi mlio wa Roho mrejezeni upya mtu kama huyo kwa roho ya upole, ukijiangalia nafsi yako usije ukajaribiwa wewe mwenyewe. Mchukuliane mizigo na kuitimiza hivyo sheria ya Kristo.

Katika roho ya kifungu cha Maandiko hapo juu, mchungaji angefanya vema kutoa maagizo kwa mfanyakazi mwenye nidhamu kuhusu jinsi ya kufanya kazi kwa njia ya kuridhisha.

Kwa kuwa idadi kubwa ya wafanyakazi wanaosaida hutumikia bila malipo ya kifedha, mchungaji angefanya vizuri kila baada ya muda fulani kuandika barua ya shukrani kwa wafanyakazi wake wasaidizi. Kwa kuwa mchungaji ndiye kiongozi mkuu wa kanisa, ana jukumu kamili kwa ukuaji na mafanikio ya kanisa.

Matendo ya Mitume 20:28 Jitunzeni nafsi zenu, na lile kundi lote nalo, ambalo Roho Mtakatifu amewaweka ninyi kuwa waangalizi ndani yake, mpate kulilisha kanisa lake Mungu, alilolinunua kwa damu yake mwenyewe.

1 Petro 5:1-4 Nawasihi wazee walio kwenu, mimi niliye mzee, mwenzi wao, na shahidi wa mateso ya Kristo, na mshirika wa utukufu utakaofunuliwa baadaye; lichungeni kundi la Mungu lililo kwenu, na kulisimamia, si kwa kulazimishwa, bali kwa hiari kama Mungu atakavyo; si kwa kutaka fedha ya aibu, bali kwa moyo. Wala si kama wajifanyao mabwana juu ya mitaa yao, bali kwa kujifanya vielelezo kwa lile kundi. Na Mchungaji mkuu atakapodhihirishwa, mtaipokea taji ya utukufu, ile isiyokauka.

Mchungaji huongoza, sio kwa tabia ya kujifikiria, akitawala juu ya watu wake na wafanyakazi; ni yule anayeongoza kwa mfano akiufuata mfano uliowekwa na Bwana, Yesu Kristo. Mchungaji hahitaji kunyang'anya uongozi, Neno la Mungu linatoa fursa hiyo, lakini wachungaji wa Mungu kwanza kabisa ni wahudumu, halafu viongozi:

Waebrania 13:17 Watiini wenye kuwaongoza, na kuwanyenyekea; maana wao wanakesha kwa ajili ya roho zenu, kama watu watakaotoa hesabu, ili kwamba wafanye hivyo kwa furaha wala si kwa kuugua; maana isingewafaa ninyi.

1 Wathesalonike 5:12-13 Lakini, ndugu, tunataka mwatambue wale wanaojitaabisha kwa ajili yenu, na kuwasimamia ninyi katika Bwana, na kuwaonyeni; mkawastahi sana katika upendo, kwa ajili ya kazi zao. Iweni na amani ninyi kwa ninyi.

Yesu alitangaza kwamba mfanyakazi anastahili ujira wake.

Kwa kuwa mchungaji ni mfano kwa mkusanyiko na hasa kwa wasaidizi na wafanyakazi, lazima katika mazungumzo yao nao wadumishe hali ya juu ya maadili ya kibiblia; vivyo hivyo mhudumu mwandamizi anapaswa kuonyesha kiwango cha juu cha mwenendo wa Kikristo. Mchungaji hapaswi kamwe kutoa nafasi ya uvumi wa uhusiano wa karibu usio sahihi na watu wa jinsia tofauti. Kwa kuongezea, wasaidizi na wafanyakazi watakuwa na mazungumzo mengi na kiongozi wao, ambayo baadhi yao yatakuwa ya kibinafsi na ya siri, mchungaji kamwe havunji usiri huo au kutoa nafasi ya uvumi ambao hufanyika mara nyingi sana katika makanisa mengi. Katika ushauri wote, mshauri lazima asivunje kuaminika na anayemshauri.

(4) Mchungaji na Matumizi ya Wakati Wake

Mchungaji mwema na mwenye hekima atakua na nidhamu katika utumiaji wa wakati. La sivyo wakati wa thamani sana ambao ni mali ya Bwana, mkusanyiko, na dhehebu ambalo limemheshimu mchungaji kwa wito wa huduma utapotea. Kila kiongozi wa kanisa lazima atunze kalenda ya shughuli iliyopangwa vizuri.

Ninatoa maoni yafuatayo kuhusu utengenezaji na matumizi ya ratiba ya kazi. Andika katika kitabu cha kazi cha kila siku, kwa mpangilio wa umuhimu wake, majukumu yote na shughuli ambazo zinahitaji kutimizwa. Baada ya kukamilisha kila kazi au shughuli, andika "imefanywa" mwisho wa mwandiko. Ikiwa kazi zote za leo hazijakamilika, ziweke kwenye orodha kwa siku inayofuata, kawaida huwa juu kwenye orodha isipokuwa mambo ya dharura zaidi yanatokea. Endeleza muundo huo huo wa shughuli siku hadi siku.

Walakini, kuna shughuli maalum kama kusoma kwa mahubiri, kutembelea na ushauri nasaha wa washirika ambao unapaswa kupewa mahali pa kudumu kwenye kalenda kila wiki. Shughuli za kudumu, kwa kadri inavyowezekana zinapaswa kuzingatiwa kila wiki. Njia moja ni kutoa siku nusu kwa shughuli za kudumu na ile nusu siku inayobaki zinaweza kutolewa katika orodha ya kila siku ya "vitu vya kufanya." Mpango wa shughuli unaofanana na huu mara nyingi hufuatwa na watendaji wengine wakubwa wa ulimwengu wa biashara. Mchungaji hapaswi kupuuza familia yake, ambapo inawezekana siku moja kamili inapaswa kutolewa kwenye mzunguko wa familia. Kutoridhika au uchungu katika mzunguko wa familia ya mchungaji kunaweza kuwa na athari kwa familia ya kanisa. Hapana shaka kutatokea maingilio ya mara kwa mara kwenye kalenda ya mchungaji, hata hivyo, kalenda ya kudumu na ratiba ya kazi inapaswa kuanza tena mara tu wakati matukio yasiyotarajiwa yasuluhishwa. Ikiwa mtu hafuati kalenda iliyopangwa, nidhamu itapotea na wakati wa thamani utapotezwa. Biblia inatuamuru "kukomboa wakati" au kwa kweli "tumia kila fursa."

Waefeso 5:15-19 Basi angalieni sana jinsi mnavyoenenda; si kama watu wasio na hekima bali kama watu wenye hekima; mkiukomboa wakati kwa maana zamani hizi ni za uovu. Kwa sababu hiyo msiwe wajinga, bali mfahamu ni nini yaliyo mapenzi ya Bwana. Tena msilewe kwa mvinyo, ambamo mna ufisadi; bali mjazwe Roho; mkisemezana kwa zaburi na tenzi na nyimbo za rohoni, huku mkiimba na kumshangilia Bwana mioyoni mwenu;

1 Timotheo 4:12-16 Mtu awaye yote asiudharau ujana wako, bali uwe kielelezo kwao waaminio, katika usemi na mwenendo, na katika upendo na imani na usafi. Hata nitakapokuja, ufanye bidii katika kusoma na kuonya na kufundisha. Usiache kuitumia karama ile iliyomo ndani yako, uliyopewa

kwa unabii na kwa kuwekewa mikono ya wazee. Uyatafakari hayo; ukae katika hayo; ili kuendelea kwako kuwe dhahiri kwa watu wote. Jitunze nafsi yako, na mafundisho yako. Dumu katika mambo hayo; maana kwa kufanya hivyo utajiokoa nafsi yako na wale wakusikia pia.

(5) Mchungaji na Uinjilisti

Neno "mwinjilisti" au "mhubiri wa Injili" linapatikana mara tatu katika Agano Jipya; linatokana na neno linalotafsiriwa "injili," linamaanisha "habari njema." Mwinjilisti ni yule anayehubiri Injili, habari njema za wokovu, ambazo ni ukombozi kupitia kazi ya upatanisho ya Kristo msalabani. Ingawaje Timotheo alikuwa mchungaji, Paulo alimhimiza "afanye kazi ya mwinjilisti."

2 Timotheo 4:5 Bali wewe, uwe na kiasi katika mambo yote, vumilia mabaya, fanya kazi ya mhubiri wa Injili, timiliza huduma yako.

Mwinjilisti alikuwa mmoja wapo wa vipawa vya huduma ambazo Mwokozi anayeshinda alitoa kwa kanisa:

Waefeso 4:11 Naye alitoa wengine kuwa mitume, na wengine kuwa manabii; na wengine kuwa wainjilisti na wengine kuwa wachungaji na waalimu;

Matendo ya Mitume 21:8 Asubuhi yake tukaondoka, tukafika Kaisaria, tukaingia nyumbani mwa Filipo, mhubiri wa Injili, aliyekuwa mmoja wa wale saba, tukakaa kwake.

Filipo tu ndiye anayelitwa mwinjilisti. Kazi ya uinjilishaji ya Filipo imeandikwa katika sura ya nane ya Matendo, kuelezea uamsho wake huko Samaria.

Matendo ya Mitume 8:5-6 Filipo akatelemka akaingia mji wa Samaria, akawahubiri Kristo. Na makutano kwa nia moja wakasikiliza maneno yale yaliyosemwa na Filipo walipoyasikia na kuziona ishara alizokuwa akizifanya.

Uinjilishaji, hata hivyo, hauhusu tu kwa umati wa watu. Wakati uamsho huko Samaria ulikuwa unaendelea, Roho aliongoza Filipo kushuhudia mtu mmoja:

Matendo ya Mitume 8:26-27 Malaika wa Bwana akasema na Filipo, akamwambia, Ondoka ukaende upande wa kusini hata njia ile itelemkayo kutoka Yerusalemu kwenda Gaza; nayo ni jangwa. Naye akaondoka, akaenda; mara akamwona mtu wa Kushi, towashi, mwenye mamlaka chini ya Kandake malkia wa Kushi, aliyewekwa juu ya hazina yake yote; naye alikuwa amekwenda Yerusalemu kuabudu,

Matendo ya Mitume 8:29 Roho akamwambia Filipo, Sogea karibu na gari hili, ukashikamane nalo.

Uinjilishaji una aina nyingi; kuna uinjilishaji wa kibinafsi, mlango kwa mlango uinjilishaji, uinjilishaji wa shule la Jumapili, njia ya uinjilishaji wa trakti, vipeperushi na fasihi, uinjilishaji wa kona za barabarani, uinjilishaji wa kanisa la mahali, uinjilishaji wa jiji, redio na uinjilishaji wa televisheni nk. Mchungaji, ili kufanya kazi ya mwinjilisti, anapaswa kuunga mkono aina yoyote ya kuvuta waliopotea ambayo yeye pamoja na kanisa lake wanaweza kutekeleza. Kanisa litadumaa ikiwa lina mwelekeo wa ndani kabisa.

(6) Mchungaji na Fedha za Kanisa

Inachukuliwa ulimwenguni kote kukubaliwa bila swali au pingamizi kwamba washiriki wa kanisa la Foursquare watatoa zaka (fungu la kumi) kwa Bwana. Hali halisi kamwe haifikii hali bora. Karibu kila wakati washiriki wa kanisa wanachangia kanisa hilo kulingana na kuridhika kwao na huduma ya kanisa. Inaweza kusemwa kwamba kanisa linafanikiwa kifedha kwa kiwango ambacho linafanikiwa kiroho. Haipendekezwi mchungaji kusimamia fedha za kanisa moja kwa moja. Kanisa linapaswa kuteua au kumchagua mtunza hazina ambaye ana uzoefu katika usimamizi wa fedha.

Akaunti ya benki ya kanisa inapaswa kuwa saine za watu wawili, labda zile za mchungaji na mtunza hazina au mshiriki wa baraza la kanisa. Mchungaji anapaswa kupokea ripoti ya kifedha kutoka kwa mtunza hazina kila baada ya muda fulani; ripoti ya kifedha inapaswa kupatikana kwa ushirika mara moja au mbili kwa mwaka.

Namna ambavyo fedha zinagawanywa ni jukumu la bodi ya kanisa au baraza ambalo mchungaji ndiye mwenyekiti. Mchungaji anafaa kujilinda dhidi ya rufaa zitolewazo na za kihemko za fedha katika kila ibada. Rufaa kama hizo kawaida zina athari kinyume na ile inayotakiwa. Matokeo bora huja kupitia sala na mafundisho ya ufafanuzi ya Agano Jipya kuhusu uwakili, kwa mfano kwenye 2 Wakorintho, sura ya nane na tisa. Wakati kanisa linapata uamsho, karibu kila wakati linapata ongezeko la kutoa.

(7) Mchungaji na Sakrameti au Maagizo

Mathayo 28:19 Basi, enendeni, mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu.

Matendo ya Mitume 2:38 Petro akawaambia, Tubuni mkabatizwe kila mmoja kwa jina lake Yesu Kristo, mpate ondoleo la dhambi zenu, nanyi mtapokea kipawa cha Roho Mtakatifu.

1 Wakorintho 11:23-24 Kwa maana mimi nalipokea kwa Bwana niliyowapa nanyi, ya kuwa Bwana Yesu usiku ule alitolewa alitwaa mkate, naye akiisha kushukuru akaumega, akasema, Huu ndio mwili wangu ulio kwa ajili yenu; fanyeni hivi kwa ukumbusho wangu.

Kwa kuwa ubatizo wa maji ni amri ya Bwana Yesu na maagizo ya kitume,

haipaswi kupuuzwa lakini inafanywa kwa utaratibu. Wachungaji wengine waliofanikiwa hupata matokeo mazuri kwa kutarajia waongofu wapya kujazwa na Roho Mtakatifu wakati wa ubatizo wa maji.

Kwa kuwa Bwana, Mwenyewe, ametushauri kushika Meza ya Bwana, tunapaswa kutarajia baraka maalum kutokana na kufuata amri yake. Matokeo yafuatayo yanatoka katika Ushirika Mtakatifu: 1) Tunakumbuka kazi ya upatanisho ya Bwana kwetu (11:24); 2) Tunatoa ushuhuda wa kazi ya upatanisho ya Bwana (11:26); 3) Tunashuhudia kuja kwa pili kwa Bwana (11:26); 4) Tunashiriki kwa imani baraka ambazo mkate na matunda ya mzabibu unawakilisha (10:16); 5) Tunachunguza mtazamo wetu ili tushiriki katika imani (11:27-28); 6) Tunatangaza umoja wetu katika Bwana Yesu (10:17); 7) Pamoja na mtume Paulo tunatoa kitendo cha utii kwa Bwana wetu. Waumini wengi wanapochukua Ushirika kwa imani wanapokea uponyaji wa mwili, kwa maana wanautambua mwili wa Bwana kama uliootolewa kwa uponyaji wetu, "na kupigwa kwake tumepona" (11:28-30).

(8) Mchungaji na Dhehebu Lake

Katika kanisa la mahali mchungaji ndiye kiongozi; anatarajia na anapokea uaminifu kutoka kwa mkusanyiko wake. Kwa kanuni hiyo hiyo mchungaji hutoa uaminifu kwa uongozi wa dhehebu lake, wilaya au bodi ya kitaifa. Kuna programu nyingi kwa faida ya makanisa, shule za Jumapili, na vikundi vya vijana ambazo zimefanywa kupatikana. Ikiwa viongozi wa wilaya au nchi wana programu za kutendewa kazi ambazo zinahitaji ushirikiano wa makanisa yote, wachungaji wana jukumu la kuwapa wakurugenzi wao uaminifu sawa na wanaotarajia kutoka kwa mikusanyiko yao na wafanyakazi wao. Mchungaji anayesababisha mizozo katika wilaya yake au taifa lake mapema au baadaye atapata mgawanyiko katika mkusanyiko wake wa mahali. Kwa upande mwingine, mchungaji anayeshirikiana na viongozi wake anaweza kutarajia ushirikiano kutoka kwa washirika na wafanyakazi wake. Tunachopanda ndicho tunachovuna. Bwana awabariki washirika wa makanisa ambao ni waaminifu kwa mchungaji wao, kwa njia hiyo hiyo Bwana anawabariki wachungaji wanaoshirikiana na wale ambao kazi yao ni kupanga kwa ajili ya wilaya au nchi. Kile ambacho Bwana anafanya katika nchi au wilaya kinahitaji ushirikiano wa makanisa yote ambayo hilo eneo kubwa zaidi linayo.

Viongozi wote wa Kikristo, iwe wachungaji au viongozi wa eneo wanahitaji kuongozwa na kanuni ya Kikristo ya unyenyekevu na udugu. Mashirika yote ya kanisa yatafanya kazi vizuri zaidi ikiwa sote tutakumbuka kuwa viongozi wote katika ufalme wa Mungu ni watumishi; msisitizo mwingi umepewa katika "uongozi," lakini msisitizo mwingi kiasi kile kile unapaswa kutolewa katika "utumishi." Sote tunaweza kufaidika kwa kusikiliza mara nyingi maagizo ya Bwana wetu waliyopewa wanafunzi wake katika Marko 10:42-45:

Marko 10:42-45 Yesu akawaita, akawaambia, Mwajua ya kuwa wale wanaohesabiwa kuwa wakuu wa Mataifa huwatawala kwa nguvu, na wakubwa wao huwatumikisha. Lakini haitakuwa hivyo kwenu; bali mtu anayetaka kuwa mkubwa kwenu, atakuwa mtumishi wenu, na mtu anayetaka kuwa wa kwanza wenu, atakuwa mtumwa wa wote. Kwa maana Mwana wa Adamu naye hakuja kutumikiwa, bali kutumika, na kutoa nafsi yake iwe fidia ya wengi.

1 Wathesalonike 5:11-15 Basi, farijianeni na kujengana kila mtu na mwenzake, vile vile kama mnavyofanya. Lakini, ndugu, tunataka mwatambue wale wanaojitaabisha kwa ajili yenu, na kuwasimamia ninyi katika Bwana, na kuwaonyeni; mkawastahi sana katika upendo, kwa ajili ya kazi zao. Iweni na amani ninyi kwa ninyi. Ndugu, twawasihi, waonyeni wale wasiokaa kwa utaratibu; watieni moyo walio dhaifu; watieni nguvu wanyonge; vumilieni na watu wote. Angalieni mtu awaye yote asimlipe mwenziwe mabaya kwa mabaya; bali siku zote lifuateni lililo jema, ninyi kwa ninyi na kwa watu wote.

Matendo ya Mitume 14:21-23 Hata walipokwisha kuihubiri Injili katika mji ule, na kupata wanafunzi wengi, wakarejea mpaka Listra na Ikonio na Antiokia, wakifanya imara roho za wanafunzi na kuwaonya wakae katika ile Imani, na ya kwamba imetupasa kuingia katika ufalme wa Mungu kwa njia ya dhiki nyingi. Na walipokwisha kuwachagulia wazee katika kila kanisa, na kuomba pamoja na kufunga, wakawaweka katika mikono ya Bwana waliyemwamini.

Tito 1:4-9 Kwa Tito, mwanangu hasa katika imani tuishirikiyo. Neema na iwe kwako na amani zitokazo kwa Mungu Baba na kwa Kristo Yesu Mwokozi wetu. Kwa sababu hii nalikuacha Krete, ili uyatengeneze yaliyopunguka, na kuweka wazee katika kila mji kama vile nilivyokuamuru; ikiwa mtu hakushitakiwa neno, naye ni mume wa mke mmoja, ana watoto waaminio, wasioshitakiwa kuwa ni wafisadi wala wasiotii. Maana imempasa askofu awe mtu asiyeshitakiwa neno, kwa kuwa ni wakili wa MUNGU; asiwe mtu wa kujipendeza nafsi yake, asiwe mwepesi wa hasira, asiwe mlevi wala mgomvi, asiwe mpenda mapato ya aibu, bali awe mkaribishaji, mpenda wema, mwenye kiasi, mwenye haki, mtakatifu, mwenye kudhibiti nafsi yake; akilishika lile neno la imani vile vile kama alivyofundishwa, apate kuweza kuwaonya watu kwa mafundisho yenye uzima, na kuwashinda wenye kupinga.

